

朝鮮史料汇编



中国文献珍本丛书

朝鲜史料汇编 (十九)

全国图书馆文献缩微复制中心

朝鲜史料汇编目录（十九）

朝鲜纪事		一
使朝鲜录		三三
朝鲜图说		三三七
朝鲜志		四三五

朝鮮紀事

朝鮮紀事

江東倪讓

景泰元年正月丁丑朔○丙戌遼東起程都司差
東寧衛指揮一員百戶四員率領軍馬二百護送
鎮守都御史李純巡按御史劉孜左府都督守遼
東都司事王祥出城宴餞別自遼東抵鴨綠江舊
有八站今廢官賫帳房隨行過高麗衝頭館站東
嶺至浪子山下人家宿○丁亥浪子山起程過背
陰山盤道嶺至新寨人家宿○戊子新寨起程過

高嶺至連山東關口宿東關係華夷界限○已丑
出東關過分水鎮至龍鳳山下營○庚寅龍鳳山
起程過八度斜列嶺至鳳凰山下營○辛卯鳳凰
山起程過開州站至湯站朝鮮義州兵馬節制使
趙石岡遣通事金甫吉里送米酒下程迎犒下營
宿○壬辰湯站起程將近鴨綠江石岡率軍馬供
帳逆於江上宴罷先往軍馬後發過江抵義州城
外石岡率僚屬迎詔入義順館其朝服儀制俱
與華同行禮畢王遣戶曹判書尹炯來迎拜詔

罷謁見設宴館堂侍宴者平安右道首領官羅弘
緒察訪李養儉義州判官朴孟文朝散大夫麟山
郡事宣炯司譯院事艾儉護軍梅佑宴罷宿○癸
巳留義順館給遼東軍馬酒飯行糧遺回約回期
至館接石岡設宴宿○甲午義順起程自此至各
處俱有軍馬迎送四十里至所串館定寧郡事某
設宴過五十里至良策館秦川郡事李的龍川郡
事高某設宴宿○乙未良策起程四十里至車輦
館錢山郡事某設宴過五十里至林畔館通訓大

夫定州牧使洪益生宣州郡事吳仲宗設宴宿○
丙申林畔起程四十里至雲興館郭山郡事崔潤
王設宴過五十里至新安館隨川郡事某博川郡
事鄭得孫設宴宿○丁酉新安起程七十里至嘉
平館嘉山郡事某設宴過五十里至安興館王遣
禮曹叅判李邉來問安設宴盛飾女樂三十餘輩
兩行各抱樂器升堂跪邊進云此奉王命自京携
乃至以奉歡峻辭卻之退侍宴者平安道都觀察
使韓確安州牧使朴以寧宴罷邉辭回復命偕確

同往有邵樂詩宿○戊戌安興起程七十里至肅
寧館肅川郡事某設宴過六十里至安定館順安
縣令禹元球設宴宿○己亥安定起程六十里至
西京平壤府確先於十數里外遣伶戲來迓抵近
郊列香亭龍亭儀仗鼓樂率僚屬迎

詔樂者皆著樸頭束帶執仗者皆著戎冠葵花衫金
釘帶與華同陳百戲環繞作百獸率舞態豔若幅
幢者四上書曰萬國同歡爭蹈舞兩儀相對自生
成天下太平垂拱寰海東無事鑿耕中迎導入城

至大同館門外東南二面各樹鰲山綵綳山上下
列伶妓諸戲入館行禮畢王遣壻尹師路來問安
拜

詔罷設宴宴罷辭回復命又有黃海道首領官金處
禮察訪宋重孫來迓亦辭回平壤府官則少尹金
光粹判官宋仁昌宿○庚子西京起程六十里至
生陽館中和郤事劉強咸從縣令朴參設宴過六
十里至黃海道黃州都觀察使申甸謹率僚屬迎
詔列香亭龍亭黃儀伏鼓樂雜戲及鰲山綵綳皆與

西京同入治行禮畢王遣判漢城府事李孟眇來
問安設宴待宴者豐川郡事具仁寬海州牧判官
金壤黃州牧判官尹期長連縣監崔涇王又遣禮
曹正郎安自立來議受

詔勅及

賜物儀口稱殿下有病日久世子代掌國事今亦病
不能行禮令王子代行議曰王必有病

朝廷亦知世子病則予不知也然則世子病幾何時
爲何病曰病腰疽將一月矣曰病將一月則尹尹

曹正病中所遣其初見江上時何以不言有病今始言病詐也毋得因

朝廷有事輒懷二心且瘡瘍之疾膿潰即安非若感傷寒奇症不可以日月期也如果病疽當已潰膿予在此坐待其愈始行十日不愈待半月半月不愈待一月無不愈者若再言不愈詐可知矣即當捧

詔還朝奏

聞朝廷臣至朝鮮國王世子俱託病不出無人受

詔因捧

詔還

朝廷自有處置自立聞謙言驚愕無措乃曰望且徐
行不必坐待小官即便馳回啟白星夜來復遂辭
去宿○辛丑黃州起程七十里至鳳山郡行長洲
縣監李師鳴松和縣監徐習設宴過三十里至劍
水館不下馬過三十_五里至龍泉館守瑞興都護府
使羅寅載寧郡事李伯倫行康翎縣監黃禮軒設
宴詢得尹中官甥金和林在廡下因以餽餘與之

又以一桌與其守墳家人金仲生宿○壬寅龍泉
起程四十里至安成館平山都護府使柳陽植谷
山郡事庾智設宴遇工曹叅判南佑良進馬五百
疋赴京來見面諭

朝廷威德而去三十里至寶山館行知遂安郡事張
自息設宴過三十里至金岩館新溪縣令李森設
宴京畿道首領官崔敬身察訪權誰開城府都事
李克效來問安宿○癸卯金岩起程三十里至興
義館行瓮津縣令張希俊設宴過三十里至金郊

館牛峰縣令奇效稔兔山縣吳用揀設宴過三十
里至開城府京畿道都觀察使朴仲林率僚屬迎
詔列香亭龍亭黃儀仗鼓樂雜戲及鰲山綵綢俱與
黃海道同入府行禮畢王遣壻崇政大夫許正寧
來問安宴出王京携至女樂卻之而退待宴者開
城府留守李季隣斷事官余伯行經歷李師曾有
卻樂詩王又遣漢城府尹金河來回復議禮事言
世子一國之本自得病來舉國遑遑禱于山川鬼
神以祈祐豈敢虛詐今瘡已潰膿口尚未合醫者

云若率動皮膚必至引風復發致傷性命但望天
使垂憫乞免世子郊迎容其扶病行禮受

詔則萬萬幸也謙顧其辭情懇切諒是實病遂允其

陳定與儀注而去

後還朝未幾王薨世子襲封未幾亦薨

○甲辰開

城起程三十五里至東坡館揚州都護府使閔謹

朔寧郡事金恕臨津縣監張友良設宴過五里至

臨津江水已解乘舟而渡尹戶曹朴觀察舟中置

酒二十五里至原平府守原平都護府使柳規行

川寧縣監韓繼胤設宴宿○乙巳原平起程四十